

**ANALISIS HASIL DIAJAR MURID SAKOLA DASAR NGANGGO**  
**MODEL PANGAJARAN KOOPERATIF**  
**TIPE TWO STAY TWO STRAY (TSTS)**

**Ku**

**Laras Nadia Arianthi**

**165060045**

**ABSTRAK**

Masalah anu seueur kajadian di lingkungan pendidikan nyaéta kékéngan hasil diajar murid anu kalebet kana tingkatan anu kirang saé. Kurangna hasil diajar murid salah sahijina disababkan ku pamakéan model pangajaran anu kitu-kitu kénéh, antukna pangajaran karaosna teu maju-maju ku teu ayana partisipasi murid anu aktif. Perkara éta nu dijadikeun dasar pikeun dilarapkeunnana panalungtikan ieu. Panalungtikan ieu tujuanna nyaéta pikeun mikanyaho konsép modél pangajaran Kooperatif tipe *Two Stay Two Stray* (TSTS), konsép hasil diajar murid di sakola dasar ogé hasil diajar murid anu ngagunakeun model pangajaran Kooperatif tipe *Two Stay Two Stray* (TSTS). Metode anu digunakeun dina ieu panalungtikan nyaéta studi literatur anu mangrupakeun panalungtikan deskriptif kualitatif kalayan téknik analisis data anu sifatna induktif ogé dilarapkeun dina tilu tahap, nyaéta reduksi data, panyajian data ogé nyimpulkeun data tina sababaraha sumber saperti buku, jurnal nasional sareng jurnal internasional. Dumasar kana panalungtikan anu tos dilaksanakeun, mangka tiasa dicindekkeun yén: (1) Model pangajaran Kooperatif tipe *Two Stay Two Stray* (TSTS) anu dilaksanakeun kalayan ngarahkeun murid pikeun ngalaksanakeun pangajaran sasarengan ogé silih wertosan sangkan murid tiasa ngagaduhan élmu anu langkung jembar sareng hasil diajar anu optimal; (2) Hasil diajar nyaéta parobihan nu dialaman ku jalmi saatos ngalaksanakeun kagiatan pangajaran. Parobihan éta diantarana nyaéta paningkatan élmu, pangembangan pangabisa sareng parobihan tingkah laku ka arah nu langkung saé; sareng (3) Model pangajaran Kooperatif tipe *Two Stay Two Stray* (TSTS) tiasa ningkatkeun hasil diajar murid sakola dasar. Perkara éta dibuktoskeun ku seueurna panalungtikan sateuacanna anu nunjukkeun hasil panalungtikanna yén hasil diajar murid sakola dasar tiasa ditingkatkeun ku ngalarapkeun model pangajaran Kooperatif tipe *Two Stay Two Stray* (TSTS).

Kecap Pamageuh: Hasil diajar, Kooperatif tipe *Two Stay Two Stray* (TSTS), Studi Literatur